



COMUNU DE SÌNNIA  
PROVÌNTZIA DE CASTEDDU

**REGULAMENTU PO S'ORGANIZATZIONI E SU  
FUNZIONAMENTU DE SU  
MUSEU TZÌVICU DE SÌNNIA**

Aprovau cun deliberatzioni de sa Giunta Comunali n. 128 de su 01/10/2014

---

## SUMÀRIU

### Sumàriu

Sa Missioni de su Museu Tzìvicu de Sìnnia.....	3
Artìculu 1 - Ogetu de su Regulamentu.....	4
Artìculu 2 - Sedis Ativas.....	4
Artìculu 3 - Asienda de su Museu.....	4
Artìculu 4 - Tareas de gestioni.....	5
Artìculu 5 - Strutura Organizativa.....	5
Artìculu 6 - Dìretzioni de su Museu.....	6
Artìculu 7 - Coidu e chistidura de is arregòllidas.....	7
Artìculu 8 - Educatzioni e didàtica.....	7
Artìculu 9 - Gestioni Tènnica de is Struturas Musealis.....	8
Artìculu 10 - Gestioni de sa Seguresa.....	9
Artìculu 11 - Assentu finantziàriu e contàbili.....	9
Artìculu 12 - Arrodeu de is Performance.....	10
Artìculu 13 - Normas finalis.....	10

## Sa Missioni de su Museu Tzìvicu de Sìnnia

*“Su Museu Tzìvicu de Sìnnia “siat unu **logu** pùblicu aundi su amparat e si afòrtiat sa memòria stòriga e culturali; siat unu **trastu** profetosu po abalarai sa comunidadi intrea, promovendi sempri s’interessu e sa partecipazioni ativa de is visitadoris; siat **oportunitadi** de impramentu po totus, acessibili me is risorsas, me is cumpetènzias e me is circas; aparìcit alliantzas e cullaboratzionis a livellu regionali, natzionali e internatzionali. Siat **parti ativa** de una arretza territoriali po sa impèllida sighia de su territòriu po s’adelantamentu turìsticu, econòmicu, produssidori e sotziali suu.”*

## **Artìculu 1**

### **Ogetu de su Regulamentu**

Cunforma e po cumpriri su Statutu aprovau cun deliberatzioni de su Cunsillu Comunali n. 41 de su 25/11/2010 custu regulamentu cuncordat s'apariciadura, su funtzionamentu e sa gestioni de su Museu Tzìvicu de Sìnnia.

Custu Regulamentu est parti integranti e de fundòriu de su Regulamentu Comunali vigenti de Ordinamentu de is Ufitzius e de is Servìtzius de su Comune de Sìnnia.

## **Artìculu 2**

### **Sedis Ativas**

Su Museu Tzìvicu tenit sa sei sua in Sìnnia, me is aposentus de su Centro Polivalente de bia Colletta 20 aundi est ativa e funtzionanti sa setzioni archeològica-artìstica e sa Pinacoteca.

In prus de sa sedi sua aundi funt amostaus is repertus archeològicus e sa arregòllida artìstica, su Museu Tzìvicu portat unus aposentus, impreaus cumentu depòsitu interinu de su materiali archeològicu no amostau, chi funt anca su ex bocidroxu de bia Sant'Elena in Sìnnia. Custus aposentus no funt obertus po sa genti.

Sa setzioni naturalìstica, chi imoi no est ativa, fait conca a sa sedi secundària anca su Tzentru de Educatzioni Ambientali, bia Del Mare, frazioni de Solanas, Sìnnia.

## **Artìculu 3**

### **Asienda de su Museu**

S'asienda de su Museu Tzìvicu de Sìnnia est apariciada de is benis artìsticus movidoris chistius e amostaus me is aposentus de sa sedi de bia Colletta 20 e de is benis archeològicus chistius me is aposentus de bia Sant'Elena numenaus in s'art. 2, est a nai de cosas de propiedadi comunali o affillaus a s'Aministratzioni Comunali o de benis de propiedadi statali, e de totu cussu chi est stètiu o

at a benni afillau o donau de tzitadinus privaus o de entis e istituzionis pùblicas e privadas.  
Is repertus archeològicus amostaus funt scritus a craru in s'alliongiu "B" de custu regulamentu.

Is obras de Arti de Franco d'Aspro amostadas in sa pinacoteca funt inditadas de manera crara in su alliongiu "C" de custu regulamentu.

Su Comunu de Sìnnia est arricidori de s'asienda museali. Dònna repertu e ogetu, siat issu destinau a sa amostadura o puru a sa chistidura in su depòsitu, depit èssiri inventariu, catalogau e documentau puru de manera fotogràfica sighendi is standard e is arrègulas de catalogazioni natzionalis e regionalis.

Dònna unu tanti de tempus s'at a fai s'averiguadura de sa mannesa de s'asienda cunfrontu a is inventàrius sighendi sa normativa e sa modulìstica vigenti.

## **Artìculu 4**

### **Tareas de gestioni**

Su Museu Tzìvicu no tenit personalidadi giurìdica sua poita est una articolazioni organizativa de su Comunu de Sìnnia.

Su Mùseu benit gestiu cunforma a is caminus e a is programmas scioberaus de is òrganus de governu de su Comunu chi at entregau a is òrganus gestionalis is tareas de lompi e is risorsas umanas netzessàrias, finantziàrias e strumentalis.

Su Museu Tzìvicu tenit autonomia scientìfica e de progetazioni culturali, arrespetendi is arrègulas chi ndi cuncordant s'atividadi; cunfromat sa atividadi cosa sua a allegas de eficatzidadi, atùliu e economicidadi, resguardendi una atenzioni manna boa a sa calidadi de is servìtzius po su pùblicu; po custa tarea, assigurat s'arrespetu prenu de is standard de calidadi cumandaus de sa Regioni Sardìnnia e cumandaus de s'Enti aintru de sa Carta de is Servìtzius.

## **Artìculu 5**

### **Strutura Organizativa**

Su Museu tenit s'orgànicu prevèdiu de su regulamentu comunali vigenti de ordinamentu de ufìtzius e servìtzius e de personali calificau, no fichiu aintru de sa dotazioni orgànica de s'Enti, arriciu atruessu de cuntratus de cullaborazioni professionali o imperendi atras maneras de esternalizazioni

de su servìtziu (arrendu e/o entrega de is servìtzus).

Sa dotazioni orgànica de su Museu Tzìvicu de Sinnia est cussa amostrada in s'alliongiu "A" de custu regulamentu.

Po cussu chi pertocat a is risorsas a disposidura, su Museu est una strutura apariciadora chi assegurat sa cumpridura de is funtzionis de diretzioni e amministratzioni, de coidu e de chistidura, de circa e cumpetèntzia scientifica, de educatzioni e didàtica, de seguresa, de càstiu, coidu e arricidura chi tenit sa tarea de gestioni de is risorsas e de is servìtzus de manera bona e sighia.

Sa responsabilitadi gestionali de su Museu est entregada de su Sìndigu a su responsàbili de sa strutura de cùcuru de s'Enti, aundi est acapiu funtzionalmenti su Museu Tzìvicu, sighendi cussu chi est prevìdiu de su regulamentu comunali apitzu de s'ordinamentu de is ufitzius e de is servìtzus.

Sa responsabilitadi scientifica de su Museu est entregada de su Sìndigu a una bisura professionali idònea, agatada aintru de sa strutura de s'Enti o puru agatada a s'inforas respetu a is disposiduras legisladoras e regulamentaris chi cuncordant s'affilladura de is incàrrigus de cullaboratzioni autònoma o atruessu de s'impreu de una bisura professionali alliongiada a sa strutura apariciadora de su gestori de su Museu in acontèssiu de esternalizatzioni de su servìtziu.

## **Artìculu 6**

### **Diretzioni de su Museu**

Sa Diretzioni de su Museu est entregada a un'òrganu cullegiali tzerriau "Cumitau de diretzioni".

Su Cumitau de Diretzioni est numenau de su Sìndigu intre sugetus, dependentis o aforas de s'enti, chi assegurint in totu is cumpetèntzias e is requisitus professionalis inditaus in is lìnias ghia regionalis prevìdias de s'Alliongiu n. 2 a sa Delib. G.R. n. 33/21 de su 8.8.2013.

Est furmau de

- Responsàbili de sa strutura de cùcuru de s'enti aundi est alliongiu de manera funtzionali su Museu Tzìvicu, sighendi cussu chi est prevìdiu de su regulamentu comunali apitzus de s'ordinamentu de is ufitzius e de is servìtzus, chi ddi tocant is responsabilitadis gestionalis de su Museu. Cumprit is tareas de Presidenti de su Cumitau de Diretzioni cun funtzionis de rapresentàntzia de su Museu Tzìvicu ainnantis de is atrus.
- Curadori/Chistidori de su Museu a su cali tocant is responsabilitadis scientificas de su Museu. A cussu e totu podint èssiri entregadas funtzionis de rapresentàntzia de su Museu Tzìvicu.
- Rapresentanti legali de su sugetu gestori de aforas, o unu delegau cosa sua.

Su Comitau de Dìretzioni est integrau in sa cumposidura, de su responsàbili de is servìtzius educadoris e didàticus candu in s'òrdini de sa dii si depant chistionai allegas chi pertocant a custas atividadis.

Su Comitau de Dìretzioni est integrau in sa cumposidura, de su responsàbili de is servìtzius tènnicus de sa strutura candu in s'òrdini de sa dii si depant chistionai allegas apitzu de custas atividadis. Is cumponentis de su "Comitau de Dìretzioni" cumprint is funtzionis cosa sua in su s'itiu de sa relata de traballu cumintzada chene atru cumpensu.

Su Comitau cumprit a is tareas de Dìretzioni de su Museu prevìdius de su Statutu. A su Comitau de Dìretzioni est entregau unu segretàriu agatau de su Responsàbili desa strutura de cùcuru de su Comunu de S'innia intre is dipendentis chi faint parti de sa strutura e totu.

Su Comitau de Dìretzioni si acorrat de costumàntzia d'ònnia mesi. Is propònnidas de programatzioni chi ocasionint dèpiris econòmicus depint arriciri su parri favoràbili de su Presidenti de su Comitau de Dìretzioni.

Is cumponentis de su Comitau de Dìretzioni chi no funt dipendentis de s'Enti decadessint a solus candu scadessint sa relata de cullaboratzioni e/o de servìtziu chi ndi ant donau s'agatamentu.

## **Artìculu 7**

### **Coidu e chistidura de is arregòllidas**

Su Museu Tzìvicu tenit autonomia scientifica e assegurat sa cumpridura de funtzionis de chistidura, seguresa, gestioni e valorizatzioni de is arregòllidas, chistionendi de is atividadis de ordinamentu, coidu e amanniamentu de cussas e totu, de s'inventariatzioni e catalogatzioni de is materialis, de s'agatadura de is caminus amostadoris e de is aparìcius, de sa documentatzioni e de sa circa. A su coidu e a sa chistidura est imbordigau unu Curadori chi tenit is cumpetèntzias e is requisitus professionalis amostaus in is lìnias ghia regionalis prevìdius de s'Alliongiu n. 2 a sa Delib. G.R. n.33/21 de su 8.8.2013.

Su Curadori impreat personali incarrigau a is servìtzius de càstiu e chistidura. In acontèssiu de esternalizatzioni de su servìtziu de gestioni de su museu, custa bisura est agatada in su s'itiu de sa strutura organizadora de su gestori.

## **Artìculu 8**

### **Educatzioni e didàtica**

Su Museu Tzìvicu de S'innia assegurat unu pianu de programatzioni educativa e didàtica, coidendi is relatas cun su mundu de sa scola e cun atras genias de sugetus, castiendi is caraterìsticas e apretus

de is impreadoris berus e cussus potenzialis. Su Museu promovit atividadis a profetu de s'educatzioni sighia e recurrenti, de s'integratzioni sotziali e de su chistionu cun is atras culturas; cun custa tarea, sa programatzioni previdit caminus, laboratòrius didàticus e atrus traballus de imbordigamentu ativu de is impreadoris bia a is arregòllidas permanentis, a is amostaduras interinas, a is risorsas culturalis e paesagìsticu-ambientali de su territòriu e a s'asienda de cultura imateriali.

Is atividadis educativas-didàticas funt deretas e coordinadas de unu Responsàbili de is servìtzius educativus chi tenint is cumpetèntzias e is requisitus professionalis amostaus in is lìnias ghias regionalis previdius in su Alliongiu n.2 a sa Delìbera G.R. n.33/21 de su 8.8.2013. In acontèssiu de esternalizatzioni de su servìtziu de gestioni de su museu, custa bisura est agatada in su s'ituu de sa strutura organizadora de su gestori.

## **Artìculu 9**

### **Gestioni Tènnica de is Struturas Musealis**

Su Comunu de Sinnia assegurat atruessu is risorsas umanas e strumentalis de is setoris tènnicus de s'Enti sa gestioni de is struturas e de is impiantus de su Museu. In manera particulari assegurat:

- su manutengu costumau e straordinàriu de is struturas e de is impiantus elètricus, idràulicus e tèrmicus e spetzialis, aparicendi su pianu de manutengu costumau e straordinàriu de is impiantus tènnicus e ndi s'ghit is averiguaduras periòdicas;
- chistit e adelantat su fascìcolu cun is schemas de is impiantus chi ddoi funt in s'edifitziu e ndi pòmpiat su registru de is scrucullus;
- sa apariciadura de is struturas e is impiantus netzessàrius a is aparìcius in is aposentus de su museu o a s'inforas, subrintendendi a sa cumpridura po parti de atrus de is struturas e de is impiantus chi serbint po is aparìcius me is logus de s'àrea museali o a s'inforas;
- aparìciat su servìtziu de reperibilitadi festiva e a de noti po cussu chi pertocat a is interbènnidas de aconciadura e gestioni straordinària de is struturas de su museu e de s'impiantistica.

Sa gestioni tènnica de sa strutura museali funt deretas e coordinadas de su Responsàbili de sa strutura de cùcuru de su Setori Tènnicu Comunali a su cali benit entregada sa cumpetèntzia po cussu chi pertocat a is interbènnidas tennològicas, chi tenit is cumpetèntzias e is requisitus professionalis amostaus in is lìnias ghia regionalis previdius de s'Alliongiu n.2 a sa Delìbera G.R. n.33/21 de su 8.8.2013. In acontèssiu de esternalizatzioni de su servìtziu de gestioni de su museu, su



gestori de aforas assegurat s'apoderamentu operativu a is apariciaduras e sa reperibiliadi de is operadoris cosa sua.

## **Artìculu 10**

### **Gestioni de sa Seguresa**

Su Comunu de Sìnnia imbòrdigat a is aposentus de su Museu Tzìvicu in su sìtiu de is servìtzius cosa sua de prebènnida e amparu prevìdius de su D.Lgs. n.81/2008. Su Responsàbili de is Servìtzius de prebènnida e amparu comunali est incarrigau puru de sa gestioni de sa seguresa de su Museu Tzìvicu de Sìnnia. In manera particulari, coidat in acòrdiu cun su responsàbili tènnicu de sa strutura:

- apariciat is pianus de sfollamentu e de emergèntzia e de is inditaduras de seguresa po su personali de aintru e po su pùblicu, acordendisì cun is istituzionis imbordigadas,
- assegurat su scrucullu de is cunditziunis termoigromètricas e ambientalis de su museu e apariciat is trastus po ddas mediri,

Su Responsàbili de sa Seguresa est su referenti de su donadori de traballu e de sa diretzioni de su museu po cussu chi pertocat a: scrucullu, valutazione e gestioni de is perìgulus bia a personas, benis mòbilis e imòbilis, sa apariciadura de programas de prebènnida e amparu, cumentu puru sa relata de is proceduras e is sistemas de scrucullu imbordigaus, apariciadura de programas de formazioni, informatzioni e adelantamentu de su personali apitzu de sa seguresa, de is atividisadis de informatzioni pensadas po su personali e is impreadoris bia a is perìgulus e is proceduras de prebènnida e amparu, gestioni de is acontèssius de emergèntzia.

Custu responsàbili assegurat is cumpetèntzias e is requisitus professionalis amostaus me is lìnias ghia regionalis prevìdias de s'Alliongiu n.2 a sa Delib. G.R. n. 33/21 de su 8.8.2013 po custu profilu spetzìficu.

In acontèssiu de esternalizazioni de su servìtziu de gestioni de su museu, su gestori de aforas assegurat ia cumpriduras de seguresa in is logus de traballu cunforma a su D.Lgs. n. 81/2008 po cussu chi pertocat a s'organizazioni sua po su Museu Tzìvicu de Sìnnia.

## **Artìculu 11**

### **Assentu finantziàriu e contàbili**

S'Aministratzioni Comunali, in is trèminis de is disponibilidadi de balanzu, entregat a su Museu Tzìvicu de Sìnnia risorsas econòmicas e finantziàrias bonas po permiti su funtzionamentu costumau arrespetendi sa normativa vigenti e cunforma cun is “standard musealis”.

Is risorsas finantziàrias netzessàrias po assegurai is tareas istituzionalis funt agatadas aintru de su

Balanzu Comunali, sighendi is documentus programàticus de s'Enti e de is tareas cuncordadas de is òrganus cumpetentis. Su Museu Tzìvicu de Sìnnia, in sa gestiuni de is risorsas entregadas, traballat sighendi sa normativa statali imbordigada, su Statutu Comunali e su Regulamentu de Contabilidadi de su Comunu de Sìnnia. Po cumpriri a totus is tareas istituzionalis, su Museu Tzìvicu de Sìnnia impreat puru agiudus costumaus e straordinàrius chi podint èssiri entregaus de su Stadu, de sa Regioni, de sa Provìntzia, de sa Comunità Europea e de atrus entis pùblicos, in prus chi de eventualis sponsorizatzionis, dàdivas, donatzionis po parti de sugetus privaus chi a solus ddus bolint agiudai cun dinai.

## **Artìculu 12**

### **Arrodeu de is Performance**

Su Cumitau de Diretzioni apariciat unu documentu triennali de programatzioni de s'atividadi de su Museu Tzìvicu de Sìnnia, de ponni asuta de s'aprovatzioni de is Òrganus de Guvernu poita bèngiant cunsideraus in sa progra,atzioni de is Risorsas de Balanzu.

Su documentu programàticu triennali depit permiti de agatai is abisòngius finantziàrius dònna annu, apariciat standard de servìtziu e inditadoris de atividadi e arresultau.

Dònna tanti, a su mancu dònna ses mesis, su Cumitau de Diretzioni arricit is informatzionis apitzu de sa gestiuni de is servìtzius po parti de su gestori incarrigau e relata a sa Giunta Comunali.

A s'acabu de dònna esercìtziu finantziàriu su Cumitau de Diretzioni apariciat unu consuntivu de gestiuni e una relata ditallada apitzu de is atividadis cumprias.

## **Artìculu 13**

### **Normas finalis**

Po totu cussu chi no est amostau a craru de custu Regulamentu, si depint castiai is disposiduras de su Statutu e is normas de lei vigentis chi cuncordant cust'allega in su sìtiu regioanli e natzionali.